

# 永樂大典

卷一萬四千五百

七十五

永樂大典卷之一萬四千五百七十五 六幕

鋪

宋續會要淳熙二年四月九日提舉荆湖北路馬運鋪王全福言信陽軍五鋪往來巡轄所迂迴二百餘里乞將信陽軍鋪分一就委復州巡轄使臣通管從之 六月十三日兵部言通角運滯乞割下諸路提舉官委所部州軍通判簽判通詣管內點檢仍將闕額鋪兵日下招填其未支請給一併支給或有鋪屋疎漏謀所屬日下脩整及令所屬州軍自今不得差巡轄使臣兼管他職仍不許私差借鋪兵般擎如有違戾妄提舉官覺察按劾從之 三年四月十六日兵部言昨降指揮於見擺鋪兩路首通差識字使臣一負抄上往來通角名件的實過界月日時刻傳送鋪兵姓名以備官司取字驅磨其所差使臣自浙西至四川界首不過五負人數不多責任亦重難以廢罷其逐闕並作點檢措察通角官稱呼候任滿令接界路分轉運兼提舉馬運鋪官取索抄轉過兩界路首擺鋪簿磨驅磨如稽違不滿三釐令兩路轉運兼提舉官同銜保奏與減三年磨勘若稽違

永樂大典卷萬四千五百七十五

五釐以上即降一負及令逐路提舉官不時取索驅磨如有違滯緊切軍期機會文字即不候任滿紐計分釐其事因職位姓名申朝廷重作施行若提舉官失點檢從本部按劾從之 二年十月八日執政進呈前知金州陳文中言諸路州軍措置通角前後差官不一却成騷擾鋪兵幾無以自存乞責付州縣巡尉而以賞罰勸懲之上曰此事久弊文中所陳有理可令兵部長貳從長措置以聞 十一月七日臣僚言近來入遞給發緊急文字通鋪走傳往往留滯詔激賞庫製造雌黃添青字牌子六十六面赴尚書省專一遣發緊切不可待時文字日行三百五十里其承受去處候到將牌子即時繳回若住滯時刻巡轄使臣鋪兵並重作施行 五年二月九日詔筠州臨江軍置巡轄馬運鋪使臣一負從吏部差注以江西諸司言兩州只差小使臣權管事不專一故有是命 四月二十二日四川安撫制置使明允質言夔路山谷重復最為峻險虎狼之迹交於中途運兵勞苦乞令夔路轉運司常切趨辦覺察不容復有闕額擅去處從之 六年四月二日詔江西福建湖南二廣知通並以提轄本州界分諸鋪通角入衙每歲終進奏院從實採列通角留滯路分州軍申尚書省及闕駕部取旨 七年二月二十一日知隆興府張子顏言南康軍先隸江西路

其巡轄使臣一員。係管洪州南康軍界鋪兵職事。續緣南康軍撥隸江東路。所有三縣巡轄。却令本軍於見任指使內。選差廉謹識字使臣一員。充自後本軍不置差。置止令星子縣尉兼管。今乞於使臣內。差注專充南康軍管界星子建昌都昌縣巡轄斥堠馬逆鋪。所有請給。依監當例。照應官序幫給。若遇出巡。詳依法別給進武副尉驛券。從之。八年三月八日。詔諸路州軍。遇有申發獄案。即時開具入通實日。申本路提刑司。照會并申提舉馬逆鋪官。依條限。催促驅考。如有違滯。將巡轄使臣及所屬逆鋪兵級。重作施行。提舉馬逆鋪官。失於按察。令刑部指考。開具申取朝廷指揮。當議責罰。如未回報。令諸州軍。依條限申催。七月四日。刑部侍郎賈選言。乞自今刑寺駁勘。取會獄案文字。令進秦院置綠匣。排列字號。月日地。里當官發放所至鋪分。即時抽摘單傳。承受官司。亦令遵依條限。具所會并施行。因依實書到發日時。用元發匣回報。從之。二十三日。四川茶馬王溥言。本司至行在六十餘里。常程逆角。大段稽遲。自出本部界。即難督責。望下所屬。給降黑漆白字牌二十面。付本司入擺鋪。至進秦院往來。使用。仍乞行下沿路。提舉馬逆鋪官。常切驅磨。如有違慢。重作施行。詔所屬降黑漆白字牌十面。八月二十一日。詔知寧國府南陵縣葉鏞。拖火鋪。

永樂大典卷萬四千五百七十五

二

兵食錢。半年不支。特降一官。自今諸路州軍鋪兵。請受並令就州支給。如有拖欠。知通並行責罰。九年九月十三日。明堂赦。諸路往來逆角。全籍鋪兵。依限傳送。若有違限。自合依條斷遣。訪聞近來諸州軍將鋪兵。合得錢米。並不按月支散。因而逃竄避罪。不肯陳首。是致闕人承傳。教到限百。日。許令首身。與免罪。依舊鋪分收管。仍令逐路州軍。依時支散錢米衣糧。日後如敢違戾。及巡轄使臣。輒行私役。令本路提舉官。覺察按劾施行。後却效。十一月七日。知成都府留正言。乞下所屬。給降黑漆白字牌二十面。付本司發運進秦院。詳入擺鋪。往來使用。從之。十二日。臣僚言。已降指揮。諸路州軍鋪兵。日請。並令就州支給。此誠足以革諸縣違欠之弊。然諸鋪或有距州三四百里者。往復非旬日。不能至。有妨傳送。或下有司復舊。各從本縣支給。從之。十年六月十五日。臣僚言。諸路州軍申發朝者文字。出還期限。不唯州郡申發。進續。亦緣逆角間。有浮沉。欲乞自令申發。章奏。並要書填實日。庶幾進秦院。可計程驅磨。巡鋪官。得以從實。根究。從之。十一月十五日。詔自今發付四川。制置司。逆角。經襄陽府金房州。漢上路。傳送。經由州縣。常切遵守。從制置日請也。十一年九月八日。樞密院言。諸路鋪兵。間有州郡拖欠衣糧。及巡轄使臣。合千人等。枵需減。

永樂大典

卷一四五七五

尅或官司私役荷擔稅舟之類。致令買運都容逃軍游手承填名關前後條法指揮。非不嚴備。緣提舉馬運鋪官。全不覺察。致有違戾。理宜申飭。詔令提舉官。日下嚴行措置。革去舊弊。尚或違戾。舉劾以聞。如本司失於覺察。取責罰。於是知嚴州壽昌縣趙善登特降一賞。以兩浙運判錢冲之言。其不支鋪兵月分錢。未改也。十二年五月二十五日。樞密院言諸路傳運運角自有程限。昨發文字號有孔至江陵副都統。依條合破十日。却四十六日方到。其他往來文書。多有違折遲滯。雖令逐路提舉馬運鋪委官報究。至今未見着實。兼降指揮令諸路州軍。以時支給鋪兵依禮。訪聞尚有拖欠。緣此弊端不一。理宜措置。詔是監都運秦院王厚之。躬親前去詢究。措置施行。十三年二月二十三日。軍器監主簿措置諸運角王厚之。言諸路鋪兵請給為急。先是州支去處。往往齊整。其就縣支者。多是拖欠。或高價折支。今乞申明州支指揮。仍立支給次序。先案軍次鋪兵廩軍。却責運判檢察有無拖欠。繳鋪兵領狀。每月結罪保明中轉運司。如有偽妄。坐以報上不實之罪。其去州太遠。水路不通。鋪兵領就使者州郡繳願狀中轉運司。正名錢米內。易於催理者。借撥專委縣丞支給。檢察有無拖欠。繳領狀於通判廳。類申轉運司。正同通判法一運鋪。舊法三等曰急脚。

永樂大典卷萬四千五百七十五

三

日馬運曰步運。並十八里。或二十里。一鋪。今總謂之省鋪。建炎三年初立斥限。紹興三十年又冊擺鋪立九里。或十里。一鋪。止許承傳軍期緊切文字。近來擺鋪斥限省運混而為一。共分食錢。通同運傳。所以多有違戾。今乞行下諸路轉運司。日下分別諸鋪名額。就擇少壯有行止人充擺鋪。依元來指揮。內外軍期急遞文字。專入擺鋪。常行文字。並入斥限。其元無擺鋪處。軍期亦入斥限。常行並入省運。庶幾諸鋪不致混雜。且免濡滯。一鋪兵作弊。皆是界首時日不接。無處契勘。近年創立稽察便臣。請給分在交界二州。欲乞委令逐日取責兩界鋪。傳過文字。單狀稽察時刻。須令相接。每旬類申兩路。所請俸處通判廳庶可究實。一自承界首積弊。前鋪往往不將脚曆與後鋪批鑿。後鋪一例不肯還。以至傳到日時無所稽考。乞將前界不批脚曆後界不肯批運者。其曹司巡轄並從徒罪立法。仍許監司州縣越界拘轄交界。一鋪其交界處曹司巡轄批鑿情弊。兩界皆可按劾科斷。庶幾文書有所稽考。並從之。六月二十九日。樞密院進呈王厚之申浙西江東界首點檢稽察運角官周綱。越越差鋪兵當直。販難及根刷交界簿曆。並皆不在。乞指揮根究施行。七日。運鋪近日稽滯甚多。而稽察官更復作弊。可送大理寺追人報劾。十三年二月四日。臣僚言乞做

范仲淹措置陝西民兵刺手之法。允銷兵並與刺臂稍大其字。明著某州某縣斥候銷兵某人允逃在他州他縣者。並不得招收。遇支衣糧除看次留銷傳送逆角外。其當請者驗臂支給。冒請逃竄之弊。可以革絕。從之。

五月二十九日。詔今後逆角稍有欺弊。兇見的實。果必將提轄等官。次等責罰。淳熙十六年閏五月四日。樞密院言諸路銷兵人數。間有闕少。州郡因循。更不招填。是致逆角違滯。詔諸路提舉馬逆銷官。行下逐州軍點檢銷兵闕少去處。日下招補。今後傳送。不管違滯。紹熙二年五月十二日。臣僚言今之逆兵。不遵法意。死有事切於邊境。所繫甚重。豈容愆期。然諸路逆角。雖有提督官司。視以為常。疎於糾舉。乞令密院行下諸路運司。不時差官。根刷驅磨。逆層應朝廷文字。有違滯者。聞奏。重寘于法。每季具有無違滯保明申樞密院。庶幾知所畏懼。不敢慢令。從之。

十月四日。江東轉運提刑司言。臣僚奏諸寨土兵。疲弱無用。容赦害民。有損無益。若使州縣保伍。聯結某軍子手。教閱嚴肅。安用養此。可以蠲減。并銷兵傳送文字。稀疎。不過坐食。既有警急。諸軍必置逆馬。乞下諸州郡。嚴實道路。緩急之處。與人煙疎密。地里遠近。先管銷兵人數多寡。付之揀選。取其所有衣糧。以蠲逐州重賦之額。得旨。令逐司相度。以聞。既而諸司下逐州相度。

水滸大典卷萬四千五百七十五

四

到除建康府太平州。寧國府。廣德軍。徽州。信州。六處土兵。皆不可減。外南康軍三縣。減銷兵四十三名。池州六縣。逐寨有病患土兵。減三十三名。銷兵減四十三名。饒州減銷兵一百八十九名。詔依逐司相度。到事理。合減放人。權行存留。遇闕。更不招填。十一月二十七日。南郊赦。諸路往來逆角。全籍銷兵。依限傳送。訪聞州軍將銷兵。合得錢米。並不按月支散。致其逃竄。殺到限一百日。許令首身免罪。依舊銷分收管。仰逐路州軍。依時支散。衣糧。日後如敢違戾。及巡轄使。臣輒行私役。並委逐路提舉官。覺察。按劾。四年十月二日。樞密院言。檢會乾道八年十月十三日。專降指揮。令樞密院。置給發軍期。急速文字。牌子。係雌黃青字。日行三百五十里。如違時刻。使臣銷兵。並重作施行。近年以來。多是滯留程限。蓋緣歲月。復久。逐州通判。並不點檢。使臣銷兵。玩習為常。將雌黃軍期。文字。牌子。與常逆混為一等。展轉積壓。在銷。更不摘出。先行事。繫軍期。利害深。屬不便。今先次約。未州。郡將銷兵。請受。並要按月支給。牌子。樣製。改換。用黑漆。牌子上。銷刻。樞密院。軍期。急速文字。牌。減作限。日行三百里。務要必行。立某字。號。未紅填。字。仍將。牌子。樣製。并。今。未。所。降。指揮。下。逐。路。提。舉。官。鑄。版。遍。牒。逐。州。於。經由。銷。分。明。曉。諭。銷。兵。違。承。受。到。樞。密。院。上。仲。牌。筒。即。仰。摘。出。單。通。依。

限走轉通判常切點檢遇牌子經過即具入界出界日時文狀先次申樞密院仍委自逐路提舉官別置印曆一道分下逐鋪專一承受傳送如有稽滯差官根創比枝遲速最甚去處以議賞罰鋪兵曹級亦從此施行從之五年二月十二日都大提舉茶馬司言本司先於淳熙八年七月二十三日指揮給降尚書省粉字牌一十面如遇緊急機速文字附遞申發賣鋪兵日行三百五十里如違時刻使臣鋪兵重作施行今經多年其牌字畫磨滅由是承傳鋪兵視為常程一體因而稽誤乞利給粉牌一十面沿路傳送有以警畏從之慶元二年十一月二十九日臣僚言乞行下逐路轉運司戒飭州縣應鋪兵須足額務存優恤整葺住舍衣糧以時支散不得差發他用或有羸老之人即行揀替每漕臣巡歷必躬親檢察如有違戾按劾以聞從之嘉泰元年五月十八日樞密院言諸路州軍通鋪兵級間有拖欠請給去處詔令諸路提舉馬運鋪官自今降指揮到日依時支給如有違戾去處將當職官按劾以聞二年五月十五日詔罷洋州指使一員改作洋州興元府東界巡檢馬運鋪令轉運司定差使闕從本路諸司請也三年五月二十一日權知閩門事張時脩言池州係江淮蜀漢等路運角聚會去處疆界闊遠盜拆姦弊多在本州管下竊見本

永樂大典卷萬四千五百七十五

州城止分四廂却有兵官五員今除四員各管廂事外乞差一員兼檢察本州界內三方迎角無妨兵官職事從之八月十四日浙西提刑曾鼎言置郵傳命古人重之今之迎鋪反為虛設衣糧不時支闕負不時補甚至屋宇破壞不堪風雨衣食窘迫私役於人遂使僻州遠縣有號令而不知文書往來雖遺失而不問平居且然緩急何賴儻非嚴行約束州郡安肯奉行乞下諸路常切檢察無得視為闕慢監司巡歷並宜按行其巡檢官不職者即行奏劾從之十一月十一日南郊赦文諸路往來迎角在籍鋪兵依限傳送訪聞州軍將鋪兵合得錢米並不按月支給致其逃竄赦到限百日許令首身免罪依舊鋪分收管仍仰逐路州軍依時支給衣糧日後如敢違戾及巡轄使臣輒敢私役並委逐路提舉官覺察按劾自後亦記明堂赦亦知之二十三日知宜州顏必先言沿邊州郡鋪兵闕額其見管者亦多老弱文書經由易至沉匿緣鋪兵月給州郡積欠不支給支折他物衣食不贍逃竄無疑萬一有警必至誤事乞將沿邊諸路逐鋪招置疆土之人無令闕額按月支給糧食不得以他物折估如此則鋪兵無逃竄之患而朝廷文書舉無散失矣詔依先次開具見管并闕額人數申樞密院以憑比較四年五月二日京西安撫司言襄陽去行在約三

永樂大典

千里郵傳不容分毫漏泄頃刻濡滯。今省遞承傳文字。朝廷加旗批鑿。緊急而考之。程限動經三十餘日。不問緊慢。例皆稽遲。開拆作過。委無忌憚。竊詳銷兵。多係烏合。游手不守行止之人。是致作弊。已自襄陽屯戍軍馬。去處擺急。逆官兵至鄂州。鄂州都統制司。接連擺至江州。江州接連擺至池州。池州接連擺至行在。各司遇有急速文字。專令傳送。嚴立罪賞。不得夾帶閑慢文字。每四十里一鋪。差次等。以杜捨牌手官兵二人。并訓練官一員。往來督視。三月一次差替從之。開禧二年二月五日。臣僚言置郵傳命於四方。稽留漏泄。皆有誅。又以巡轄之官。使時察之。可謂甚嚴矣。近者逆鎮所傳官文書。如上司取會州縣。平訟案牘。姦人往往中路伏截。拆換要害。節目官司。無由覺知。善人坐以受弊。乞下諸路監司守臣。自今每月稽考。月內傳到文字。稍滯常程。必隨輕重行遣。巡轄任滿。並須逐州保明。有無違犯。申轉運司。方與批書。則無稽留漏泄之患矣。從之。四月二十七日。詔江州通判丘傳。趙希純。各特展二年磨勘。興國軍通判蔡載。特降一官。江州興國軍巡轄朱潤。特降一官。放罷。以江州興國軍兩界傳送。逆角違滯。傳等不能鈐束。故也。八月二十四日。詔諸路逆角傳送。違限未欲抵治。令諸路轉運司各督責所部州軍。常切鈐束。管下逆鋪。須管運

依條限傳送。不得稍有稽滯。如違。尤將潛匿及當職官。重責典憲。三年五月七日。樞密院言。諸路鋪兵衣糧。多不如時之給。致有拖欠。近差官分往諸郡。逐一點檢州縣。一時奉行。訪聞所差官既歸。則拖壓如故。或反甚於前。理宜措置。詔令諸路轉運司。行下所部州軍。今後鋪兵衣糧。並與廂禁軍同日支散。不得輒有先後。仍過勝逐鋪曉諭。十月十九日。知峽州崔峻言。本州地分巡轄。兼管江陵府荆門軍。三州境內。逆角置司。江陵。今來邊警戒嚴。荆門與襄陽接壤。正在江陵峽州兩路之要衝。即與關暇之時不同。乞權將巡轄司移置荆門軍。庶幾可知緩急從之。嘉定元年五月三日。兵部言。逆鋪兵級。傳送文字。寅夜勞役。州縣合行按月支給錢糧。訪聞多有拖欠不支。其在縣支請者。尤不顧恤。至有累月拖欠。乞行下諸州軍。照應累降指揮。按月支給。其在縣者。專委縣丞。如無縣丞。專委主簿。逐月監散。尚有違戾。許監司覺察。按治從之。六年五月一日。監登聞鼓院張錫言。一路有一路之逆鋪。事有所屬。自可誰何。惟其有兩路相鄰之州。各不相關。逆角之沈匿。無從稽考。昨守潮州。目擊此弊。潮州屬廣東。若取本路逆角。則自江西至廣州。而後達潮。其路為迂。故多由福建路傳達。取其便速也。惟是福建路逆鋪官兵。與潮州不相統屬。故每每有沈匿之

永樂大典

卷一四五七五

惠乞朝廷詳酌以福建路漳州巡轄通鋪官到任滿罷並令從潮州保  
 明批書廣東路潮州巡轄通鋪官到任滿罷亦從漳州保明批書異時  
 赴部注擬得以照對通角有無通滯以為度熱庶幾兩路互有統攝可革  
 此弊然不獨廣東福建兩路而然舉天下之大允接壤之處往往此弊所  
 不能免乞下所屬應兩路相鄰之州巡轄通鋪官悉推此以施行詔令吏  
 部將尚右侍右副具到巡轄馬通鋪使臣稟關內應交涉兩路西州去處  
 今後批書須管經由各州更互保明方許理為考任仰行下諸路所屬官  
 司照應遵守施行毋致違戾 七月二十七日詔令諸州軍守臣各提督  
 本州通角其鋪兵錢糧衣賜今後須管按時盡數支散不得稍有減剋拖  
 欠或自來係走就縣支請亦仰照應行下嚴切約束施行如當職官吏尚  
 敢仍前違戾密切覺察具申朝廷重行責罰或有濶額去處即行招刺補  
 填所是提舉提轄職事並令仍舊各充具知稟仍契勘各州鋪兵乞額見  
 管人數申樞密院 日知此 江軍處子文有請故有是命 十年四月十五日  
 樞密院言日未邊事未寧軍期機速事付往來報應務在捷急所是通角  
 文字若止用州縣擺通傳送竊慮抵牾遲滯妄是利害詔令內外諸軍帥  
 各於本司照舊例人數差置擺鋪軍兵專一住未接連傳送樞密院發下

永樂大典卷一四五七五

軍期紅字黑牌通應并軍中申發緊要文字務要並依程走限傳送不管  
 稍有住滯仰各軍常切差官提督並不許附帶他處官司通角所有通鋪  
 軍兵依例添支錢奉自餘次緊文書仍舊入州縣擺鋪各具知稟申樞密  
 院金玉新書諸急脚馬通鋪每二十人補節級一名人數雖不及亦補一  
 名不及十人鄰近兩鋪共補一名相去二十里以上者各補並以無疾病  
 不曾犯盜或徒刑及非配到人依次排遣其馬鋪節級勿給 諸急脚馬  
 通鋪各差小分一名充曹司無即招填其大分額減充者聽 諸急脚馬  
 通鋪兵級五人為一保不滿五人者附保 諸招急脚馬通鋪兵先本處  
 人無即招鄰近村人又無本縣鎮若鄰縣人年十六以上無疾病人充不  
 許徠填別軍雖奉朝特旨衝改條禁指揮揀填亦不得發遣 諸招急脚  
 馬通鋪兵總歷干繫本轄人家入度乞減剋役軍人財物依正身法與者  
 杖一百與經歷干繫本轄人准此 諸招急脚馬通鋪兵不預錄減剋受  
 乞役軍人財物法曉諭及榜旗下者杖八十致犯人應配者如二等 諸  
 急脚馬通鋪應用條制每鋪板榜曉諭巡轄使臣以時檢舉 諸急脚馬  
 通鋪兵級曹司將所傳制書或諸軍補授文帖賞與人齎發并買之者各  
 徒二年餘文書減三等並許人告 諸馬通鋪藏匿人馬罪賞條格本縣

檢舉。出榜縣鎮鄉村道店曉示。諸急脚馬逆鋪干繫人受乞減剋鋪兵財物者徒一年半。伯文徒一年半。伯文加一等。罪止徒三年。許人告。告獲急脚馬逆鋪干繫人受乞減剋鋪兵財物者徒一年。錢三貫。毋等加三貫。實息重者從重。請質買急脚馬逆鋪兵級曹司月糧。夫債與夫券者。月。依放債法。其曹司質買本鋪兵請給賞賜者。准此。若家人放債與本鋪兵依節級家人法。以上財物不追。並許人告。諸馬逆鋪藏匿人馬不供換者杖一百。改救重難逆鋪。知藏匿而為容留隱避者。減犯人罪一等。並許人告。容留三人以上。謂二人一匹之類。鄰保及地分巡察人。知而不告者。杖六十。其於空僻之處。實控之類。同。隱藏地分巡察人。知而不告者。罪亦如之。諸逆鋪鋪兵告獲馬鋪藏匿不供換人馬者。給所告獲馬。改充馬鋪。諸馬逆鋪藏匿人馬不供換應備賞。而有知情容留隱避者。其錢均理。諸急脚馬逆鋪兵承傳文書稽遲。或曹司承受逆角積留不道。節級知而不舉。及夫覺無用。杖罪應解縣者。限一日推斷。徒以上徑申送州。限五日推斷訖。並押回本鋪。犯人該移降或配。即先推差。而軍集。則告獲馬逆鋪藏匿人馬不供換。若知藏匿而為容留隱避者。每人或馬每匹。賞錢五貫。諸逆馬額關。巡檢使臣當日申州。限二日給填。無官馬者。委

永樂大典卷萬四千五百七十五

八

本縣令和買。仿限三日。酌度合用價直。以轉運司錢搭管。不足聽於諸色官錢內借撥。諸急項逆馬。當職官體度正路緊急馬鋪先支。餘以次給。仍並送所屬令佐親臨分探給之。諸軍及逆馬病。自申報日給草料四分。損日依舊。非臟腑病者。全給。謂如火節急取背脊并麻之類。馬鋪節級所管馬。至歲終無騰。減死者。錢三貫。所管不滿十匹者。減半。諸急脚馬逆鋪。因州縣鎮寨興廢。或道路更長。及官物文書隨事多寡。而鋪兵逆馬有餘或不足者。聽巡檢使臣申州。量事那移。即不得抽差它役。其本城代者。同。獲馬鋪收得別鋪官馬。隱藏過五日不申官。或雖在限內而殺者。賞錢三十貫。諸馬鋪收得別鋪官馬。隱藏過五日不申官者。計贓從盜法。即雖在限內而殺者。以盜殺論。配千里。諸軍及馬鋪走失官馬。三十日尋訪不得者。杖一百。限外未次而得。及他人得者。除其罪。諸知情買馬鋪兵級。盜賣逆馬。或受贓者。以盜論。各計已分。知而為藏。若質賣者。減二等。許人告。諸馬鋪供馬不依曆內次差發者。曹司節級馬主各杖八十。即乘逆馬。而隔越差占不聽執覆者。加二等。仍許本鋪人告。諸乘逆馬。經鋪無馬差換。須越過至前路州縣鎮鋪。又無馬不即報所屬和顧替換。而乘乘元馬越過。及官司不為顧者。各徒二年。合城逆馬鋪兵。請所至鋪

承。應替換而受之財物。計匪輕者准此。諸馬遞鋪遇刑鋪人馬越過者。應借支日給口食草料而不即時給。或或剋罪輕者各杖一百。移重難鋪。諸急脚馬遞鋪大小曆印給連限。若本鋪輒差赴所屬請領者各杖一百。諸馬鋪州給木條印責付曹司節級專掌。唯因越過而開報則用之。每歲一易。舊印送州毀。諸遞鋪承轉上供物樣違一時皆五十一日加一等。罪止徒一年。曹司節級失覺察而犯人至罪止者杖八十。巡轄使臣減一等。州縣巡察官司催發人減二等。巡檢縣尉各又減一等。諸急脚馬遞鋪曹司節級差鋪兵不依名次者徒二年。共犯者。亦減罪。非違意仍為首。皆降配重難遞鋪。諸應差遞鋪鋪兵而過數及不應差而差。差役用若差遞鋪擔擎而輒役急脚鋪兵或曹司節級者各徒二年。諸馬遞鋪供差遞馬鋪兵應取文書驗實而不取驗者杖八十。諸乘遞馬而將曹司節級隨行者杖一百。諸急脚馬遞鋪兵級曹司差役者。俱以承發下遞角為兵。差占鋪兵同各徒二年。發遣官司減二等。諸急脚馬遞鋪兵輒受住若別作營運妨執役者各杖一百。知而雇之者及曹司節級容縱與同罪。諸急脚馬遞鋪兵級曹司輒令家人或雇倩人代名及對換承傳若受之者各杖八十。所代人有犯依正身。法內枉法自盜罪至死者減一等。配本州殺傷人者以九人論。即盜匪棄毀私拆稽留者。正身雖不知情。減犯人一等。諸官司差借或占留急脚馬遞鋪兵級承領文書及搬擔官司物。物主亦借之者。各杖一百。搬擔一伯斤徒一年。每一伯斤加一等。罪止徒二年。官物減一等。其應承傳官物而夾帶者。物主及巡轄使臣兵級曹司知情罪亦如之。即失檢點者。每五十斤皆四十五斤加一等。罪止杖一百。仍止坐初承受鋪。諸急脚馬遞鋪兵及曹司闕額不依限申州及本州差撥無故違限者。干繫官吏各徒一年。十日以上加二等。諸急脚馬遞鋪底本印簿官司輒取索離鋪若供送者各杖一百。若巡轄使臣至兩界鋪分不取索鄰界一鋪文曆點檢及鋪兵曹級避免點檢妄稱諸處取索前去准此。仍許兩界提舉司覺察。諸馬遞承傳文書違一時杖八十。日杖一百。二日加一等。罪止徒三年。配五百里。重役處效有廢闕事理重者。奏裁急脚遞各遞加二等。安遞減馬遞五等。諸急脚遞承傳御前不入鋪及金字牌文書而違不滿時者杖一百。一時徒一年。配五百里。每一時加一等。至徒三年止。配千里。並重役處效有廢闕事理重者。奏裁曹司節級失覺察杖一百。巡轄使臣減一等。諸急脚馬遞鋪兵級逃亡及首獲者。本鋪即時申所屬。又巡轄使臣限次日申提舉官。

諸急脚馬遞鋪曹司節級容留衙要鋪逃亡人。肩承名額充役而受乞財物計駐輕者降配重難遞鋪。諸傳送軍期重害機密逆角而盜拆者斬。請求或教令開拆窺者各准此。以上並奏裁。仍許人告。諸急脚馬遞鋪遞送文書封印有損或失外引牌子若亡失文書傳遞官物無人管押而果有封印損失同所至鋪分報遞越過者。日獲失而妄作闖人越過同曹司節級各杖一百。本轄使臣或隨處州縣承鋪兵陳告不為受理者與曹級同罪。即使臣州縣應究治封印通行并報元發遞官司而不即施行者杖六十。鋪兵被遣越過而能陳告官雖有損失非自便盜者不坐。諸急脚馬遞鋪曹司兵級盜逆角者徒二年。重害文書配五百里。從者配鄰州。毀軍事廢牘及機密文書仍奏裁。請求或教令盜者各准此。諸急脚馬遞鋪曹司節級失覺察鋪兵盜匿棄毀私拆青詞黃素制書及重害機密文書逆角者杖一百。三犯降配重難遞鋪失覺察急脚馬鋪承傳文書稽違及五次各罪至徒或遞鋪五次各罪止杖八十。諸急脚馬遞鋪曹司承受逆角報積留而不即遣發者杖一百二十角以上加一等。違時重者論如承傳文書稽違法節級知而不舉與同罪。失覺察減三等。罪止杖一百。諸遞鋪曹司兵級盜承傳官物論如主守法徒罪配鄰州。諸急脚馬

永樂大典卷萬四千五百七十五

十

遞鋪承傳逆角每歲稽違計數通滿五釐者。巡轄使臣縣尉各笞五十。使臣展磨勘一季縣尉降一季名次滿七釐各加一等。使臣展磨勘半年縣尉降半年名次滿一分各又加一等。使臣差替縣尉降一年名次。如曹點檢得稽違逆角及三釐者各減一等。五釐減二等。滿一分減三等。其展減名次磨勘差替自依元違分釐。諸急脚馬遞鋪兵承傳逆角官物若逆馬已至前鋪及所詣文訖回鋪違限一時笞五十。一時加一等。罪止杖一百。曹司節級不切檢舉者杖六十。鋪兵罪輕者減鋪兵一等。巡轄使臣減三等。每半年曹司節級不檢舉鋪兵違限三次者杖一百。移重難遞鋪巡轄使臣每歲失點檢滿三次以上。提舉官劾罪聞奏。諸急脚馬遞鋪承傳逆角官物若逆馬已至前鋪及所詣文訖不於隨身小厝批注回鋪日時者各杖六十。即前鋪及所詣應批注而不以實者。本鋪批注到鋪日時不實同杖一百。許人告。諸急脚馬遞鋪傳送急遞文字若官物權差鋪兵充貼鋪事畢而別差他役者徒一年。諸急脚馬遞鋪兵級犯杖以上罪情重者急脚馬鋪降配遞鋪遞鋪降配重難遞鋪權差到軍人者勒歸本處重役。諸急脚馬遞鋪事非應當官究治及所轄官應親詣本鋪點檢而輒勾進兵級曹司者杖一百。諸急脚馬遞鋪兵級所請錢糧並就

永樂大典

卷一四五七五

本州勘給。仍委通判檢察支請日分。每月取領足狀類申轉運司。銷兵類就縣勘給者。應仍委縣丞檢察取領足狀申通判繳申。諸馬運銷董關要預請口食草料。不得過五十人。匹。縣各印曆付節級收給。別銷人馬越過者。即時借給。其兵給口食日給二升。仍批小曆。限次月五日前。具銷分姓名數目。開報剋納草料限三十日。若請到經一年。據數申所屬。於本銷免換。巡轄使臣及本屬州縣官。照檢。諸急脚馬運銷兵級衣賜造成。赴官印驗。諸急脚馬運銷曹司節級。遇傳送文書官物。擁併而逃亡者。徒一年。首身減三等。移重難銷。曹司節級。遇傳送文書官物。擁併而逃亡者。徒事改關。本銷限一日。申州不滿二十人。限三日。二十人以上。限五日。五十人以上。限十日。糧差廩軍。配軍非不足者。申轉運司。於關慢不當路州差。並三年一替。擬據并瘴煙處。一年一替。候有銷兵。依元差名。次先替。其不願替者。聽。諸質買急脚馬運銷兵級曹司月糧。并放債條約。本縣每季檢舉。逐銷曉示。諸緣河隄銷頭。報令傳送。非河場文書者。以違制論。巡河官吏。不照檢減三等。諸運銷局軍及和領人同。承傳三路出軍。存遺一日。杖六十。一日加一等。罪止杖一百。曹司節級失覺。察而犯人。至罪止者。杖六十。巡轄使臣。減一等。即相留致給散失時。事理重者。并所屬官吏。

永樂大典卷萬四五百七十五

七

取勘開奏。諸招急脚馬運銷兵。例物轉運司約度。計置印曆。給付所委官。於所在州縣收附。住招日繳曆付本司。驅磨。諸急脚馬運銷營房。馬本內損。曹司節級當日申縣。令尉依一日檢計申州。併功修葺。遇替移交。到有未修者。舊官修畢。聽雜任。每季具申到損。關及興修。畢功月日。申提舉官照檢。諸急脚馬運銷營舍。有家屬許占一間。諸運銷傳送人者。日行不得過六十里。仍宿於銷。諸急脚運承傳御前不入。銷及金字牌文書。並日行五百里。不以晝夜鳴鈴走遞。前銷聞鈴。預備人出銷。就道交受。諸急脚運承傳御前不入。銷及金字牌文書。月終通判驅磨。無措運者。每季具承待銷兵姓名。傳過角數。保明申州。驗實給符支錢。其巡轄使臣任滿。通所管銷。催傳及二十角以上。解守所在州申會。本路提舉官。委無措運。類聚保奏。仍於奏狀稱說。會到因依。諸應入急脚馬運銷文書。並當官實封。不題事目。止排字號。及題寫官司。違發限日時。用印以蠟固護。入尚。逐銷驗封印。及外引牌子。交受傳遞。如有損失。所至銷分押赴本轄使臣。或所屬州縣究治。即時封印。其公文遞行。亡失文書者。速報元發運官司。即傳運官物。無人管押。而裹角封記。損動者。並准此。以上因封印之類者。損失而報遺越過者。日損失而妄作。關人越過。聽銷兵。經本

轄使臣或隨處州縣陳告仍聽所至官司覺察點檢申本路所屬監司究治犯處非本路者具事由申尚書兵部 諸急脚馬運鋪兵級曹司藏匿乘毀迎角者以盜論私拆者杖一年許人告已拆而自首減二等致軍事廢闕及機密文書仍奏裁請求教令藏匿棄毀私拆者各准此 諸發急脚馬運所屬每邑置指抄上州用印半年一易即文書應入急脚馬運者以皮角步運以紙指角各題某運字 諸急脚馬運鋪曹司承受運角並據數即將遺發不得積併傳送郵故常切檢察巡轄使臣所至取厝點檢 諸運角不得附帶他物命官因步運許附書仍於內引批懸注厝發放不得開拆本表以書并命官者亦許附運諸發急脚馬運文書赴樞密院入內侍省御藥院并應申批點刑獄司詳覆若本司報尺公茶各以前後發數次第具書為引仍以二本具發運處及年月日時事目件數印書同入運米受處限當日以到發月日時批注一本依元運發回計程過期未見批回者究治 諸急脚馬運鋪傳送急運文書若網運未傳明未官物同而闕人者申本州於轄下鄰近不係本路鋪分雜差鋪兵貼鋪舉官事畢依舊不得充他役 諸急脚馬運鋪兵承傳運角官物及運馬已至所詣而回者並依步運計里 諸急脚馬運鋪兵承傳運角官物及

永樂大典卷萬四千五百七十五

運馬以至前鋪交訖曹司節級即時於隨身小厝批注回鋪日時至所詣元鋪者官司或乘運馬人批通判路分都監以上應行人批本路曹司節級驗厝批到鋪日時如違時限送本縣究治巡轄使臣及縣尉常切提轄取厝點檢 諸運鋪運送官物所屬縣給印厝令管押人親書職次姓名到鋪日時官物名色送納去訖合使人車數日即應越過或值亦併合候資次者方各具注事因巡轄使臣及季點官點檢其厝季易 諸州通判歲終以巡轄使臣縣尉所管界內急脚馬運鋪承傳運角總數驅磨稽違名件率計分釐限三十日保明申州州限五日審實申提舉官巡轄使臣管兩州以上者通判唐誌報解于所在州率計分釐中若稽違五釐者究治如法即任滿報此項以上不及三釐提舉官保奏 諸運送青詞黃素制書於外引及封角書所運名件逐依所書錄大小厝差節級監送闕者差二人共送 諸運鋪傳送青詞黃素祝板並擇潔淨處安置 諸急脚馬鋪鋪兵不得令運送官物其運鋪承傳文書亦不得令附帶他物即應運送官物均量輕重日不過兩次十里以下及軍期急運者非錢不在運送之限 諸盜匿棄毀私拆亡失應經由進奏院通角者巡轄使臣即時申門下後省獲犯人者以諸擅發急脚馬運者巡轄使臣奏 諸緣公

事不應發運而文書須運者聽中牒所在官司入遞。諸急脚馬遞鋪傳送文書網運及供差人馬所屬隨厯別給印簿作氏本每日隨事與厯對行一轉遞官司取厯點檢即分明具注於簿俟給厯還鋪排日騰上。諸救降入馬遞者行五伯里其文書事干外界者入貢運文書不可入馬遞者同或軍機若朝旨支發借兌急切備邊錢物或非常盜賊非捕獲逾十人以上或雖不及十人而兇惡者同奏按往還朝旨身差官置日鞠獄申奏及取會文書若雜會奏案及批回奏牒內引并發於王事及諸軍出以用戰賊陷段或收身不到未見存亡應取會公文若逃亡單人首獲會問計往二千里以上及某款應中從無刑獄詳履報次會問計回同入急脚遞日行人伯里要速遞摺報降照會文報賊盜文書或朝廷封俗錢物應取會回報或乞便錢物事干急遞并雜軍報單所展債報所費或命官陸敗官盜若某款應行文書中發軍限并跡急脚馬遞鋪事亦同入馬遞日行三伯里常程入步遞日行二伯里。諸急脚馬遞鋪事非應當官究治者止令就鋪供報不得輒勾兵級曹司即所轄官應點檢並親詣鋪亦不得追擾。諸官物應傳送而遇無遞鋪處聽計置人車致就遞鋪諸急脚馬遞鋪律傳文書官物或由水路而遇風濤若泛漲之類不可行

渡者濼阻滯及雖被日時批上小厯監渡或所屬官書押或到鋪騰入大厯巡轄使臣點檢。諸急脚馬遞鋪給大厯人給小厯急脚鋪別給所前急遞及尚書符紙密院人內侍符者御藥院進小厯本州預於前一月中旬以官紙用印遞付遞鋪節級分投遇有傳送以入時名數抄上大厯騰入小厯其御前急遞并尚書省樞密院入內內侍符御藥院經晏安撫都總管司急遞文書及夜過險惡道路關山峻險峻河湖泛漲或有猛獸之類並差二人共送前鋪交訖其時辰批回關人應越過者逐鋪批錄事由及發遣日時巡轄使臣并不縣尉到鋪點檢稽違次日一日納本州當日委通判厯勘限十日畢具有無稽違并巡轄使臣縣尉曾無檢察書厯報州仍封厯同送本州架閣及申提舉官季一照檢其逐州縣并巡轄使臣界首鋪每季互相取厯磨勘。諸遞送官物不得於鄉村道店宿止仍委巡轄使臣常切點檢。諸急脚馬遞鋪巡轄使臣或縣尉到鋪並於厯內書所到月日及點檢違滯事因。諸急脚馬遞鋪兵級遞揀並分番勾抽應減充刺負者於本城下收管願放停者聽。諸急脚馬遞鋪曹司批二事政闕本鋪限一日申州日下差撥又關聽權差廂單並差鋪字人充配單非候招到人替回。諸州縣鎮寨季點官因點檢而經由急脚馬遞

鋪者並檢察私收冒名人送所屬推治不檢察者提舉官謂其監司餘條急脚馬通舖移張舉官准此按劾 諸巡轄馬通舖使臣傳送印記者預報前路使臣赴界首交受 關官或出巡者即報所屬州縣使臣送州傳至有處候至長官受給仍先附張限三日具審磨附張狀二本連申尚書禮部 諸巡轄馬通舖使臣出巡於解字所在州差小分一名充曹司無即差大分 諸急脚馬通舖兵級曹司藏匿棄毀通角者以盜論 諸急脚馬通舖兵級而巡轄使臣招到者限當日押赴所屬州縣即時刺填當官支給例物仍申轉運司及報招兵官 諸急脚馬通舖大小文曆次月應納本州及通判磨勘通限者一日各杖八十十日加一等罪止徒二年 諸急脚通不應發而發者徒二年馬通減二等步通又減一等應步通而擅發者各減不應發罪三等以上官司及本鋪兵級曹司知情承受而通行者承受通到不應入急脚通文書不點檢關所屬張治者各減犯人罪三等 諸承受通到御前文字過三日不具收領日時同金字牌子封報入內侍首者杖一百 諸急脚鋪承領文書外引下指定入急脚通而輒承受通行者杖一百 諸自川峽路之官罷任及服闋應差通鋪鋪兵而於今有違者杖一百若過數及不應差而差者自依本法 諸急脚

永樂大典卷萬四千五百七十五 十四

馬通鋪兵級犯盜及殺人強姦略人放火發冢或棄屍水中若博賭財物藏匿盜或盜匿棄毀松拆通角同保及本轄節級知而不糾者各減犯人罪一等不知情減二等罪止杖一百 諸急脚馬通鋪兵級曹司犯罪州縣推斷無故違限若犯人該移降或配不先權差兩軍填闕者各杖一百十日以上徒一年 諸通角輒計屬盜拆藏匿棄毀其鋪兵如能告首雖已開拆藏匿而告者同將所受錢物並與充償外仍依告獲格給賞 告獲急脚鋪無故不即時交割文書或行用錢物令越過及受財而為越過者錢三十貫 告獲急脚馬通鋪承傳通角官物若通馬已至前鋪及所詣交記批注回鋪日時不以實者本鋪批注到鋪日時不實同錢一十貫 告獲急脚馬通鋪曹司兵級將所傳制書或諸軍補受文帖膏與人齎發及買之者錢三十貫餘又言稱平諸急脚鋪兵傳過御前不入鋪金字牌文書無稽違者特支錢每人五角以上五百文十角以上一貫二十角以上一貫五百文三十角以上二貫 告獲傳送軍期重害機密通角盜拆又請承或教令開拆窺看者轉一官 告獲急脚馬通鋪曹司兵級盜匿棄毀私拆通角非制書重害及機密文書錢一百貫制書或重害及機密文書轉兩資無資可轉人杖或二百貫 告獲傳送軍期重害機密通角

永樂大典

卷一四五七五

盜拆及請求或教令開拆窺者者錢三百貫有名日資級人轉兩資宋趙清獻公集奏論置水運鋪不便狀。臣竊聞近差馬仲甫計會淮南發運使相度創置汳河水運鋪兵士牽傳綱運舟船等事。臣昨通判泗州備詣汳汴至京轉輸軍糧斛斗體例久未頗甚允當國朝仰給東南六路歲計發運司每年管定上供糧米六百五十萬石未常闕絕。蓋能謹守祖宗條貫法度。只委本司差撥兵備支破水脚工錢口食不至失所。令若輕議創新改法。汳汴起蓋營房招集兵士數萬。泗宿毫宋州累年交傷。大成騷動。一則尚恐招集兵級。猝難滿數。二則慮兵役朝夕往返。牽輓舟船。既無休歇。疲苦勞頓之後。不唯多致逃亡生事。亦便難遣往滯綱運。自春夏水通。未數本司元額斛斗。間即已霜降水落。又須隔歲不前。萬一遂使軍儲乏絕。臨時嗟嗚。如何更作處置。壞大計者無甚此舉。欲乞朝廷速降指揮。下淮南發運司。且依舊例施行。免向去敗事。下發運司。江玉山集乞申嚴元置斥喉鋪指揮劄子。乾道三年正月。臣伏以近年以來。累降指揮。令諸軍分置擺鋪行之。未久。尋復往罷。蓋以置擺鋪則妨諸軍訓習武藝。欲往罷則傳送文字。往往指滯。二者皆有利害。所以前後措置不一。臣竊見諸路目今未各有斥喉鋪。依元降指揮。每十里一鋪。差曹級各一名。鋪兵五名。

永樂大典卷萬四千五百七十五

十五

專一承傳御前金字牌。以至尚書省樞密院行下。及在外奏報。并申發尚書省樞密院緊急文字。每鋪限三刻傳送。日行三百三十里。其鋪兵支破月糧料錢。春夏冬三季衣賜。又添給食錢。比之尋常禁軍請受。委是優厚。諸路轉運官。以一員提舉馬運鋪。照檢斥喉方事之初。緣指揮嚴切。又官司不往檢察。兼請受優厚。亦可以責其依限。不容輒有違慢。其後積習既久。浸浸弛玩。所傳送文字。比之常程。合行日限。却乃倍更遲緩。所以別置擺鋪。今擺鋪既罷。臣愚欲望聖慈。令有司檢照元置斥喉鋪。節次指揮中。嚴行下諸路。並要依元數差撥兵級。以時支給衣糧。須管依道里時刻。傳送文字。仍所在官司。不得以不應入斥喉鋪文字。輒令轉送。每州委通判檢察。月具所傳送過文字名件。有無違戾。申提舉。照檢官提舉。照檢復行。審實。月中樞密院。其有犯令者。必行責罰。如此。則不必於諸軍差人。又免逆角措邊實為利便。取進止。貼黃。臣所奏。請只是欲舉行節次。已降指揮。因見今斥喉鋪兵約束檢察。令依道里期限。傳送文字。於見行條令。並無更改。但得朝廷嚴賜指揮。期於必行。自然有所稟畏。莫勘四川去朝廷最遠。除各路有提舉。照檢官外。欲望指揮。更令制置司。覺察。明文。恭公集論河北急運鋪。非機密。不得輒發奏議。臣等伏觀河北州軍所置急脚

子通鋪本為傳送邊上機宜切要文字。訪聞近年州郡相承多差傳送。開慢文書以此急脚子雖得樂宜文字亦以為開慢文書不肯用心傳遞。比方往日頗聞遲慢。竊慮緩急有失事宜。若公事不至緊急自有馬遞步遞可以傳送。欲乞朝廷檢會前後條行約束。今後非機密要切文書不得輒發急脚子通鋪。如敢有違乞重行朝典。金史胥鼎傳鼎字和之石丞侍國之子也。大定二十八年擢進士第。入官以能稱。遷右司郎中。轉工部侍郎。泰和六年。鼎言急遞鋪轉送文檄之制。上從之。時以為便。徒單鎰傳鎰知京兆府。燕宜撫使言初置急遞鋪本為轉送文牒。今一切未驛。非便。章宗深然之。始置提控急遞鋪官。元史古者置郵而傳命示速也。元制設急遞鋪以達四方文書之往來。其所繫至重。其立法益可考焉。經世大典急遞鋪轉送朝廷及方面。及郡邑文書往來十里或十五里二十五里。設一急遞鋪。十鋪設一郵長。鋪卒五人。文書至則紀于曆。視早晏。標至時于封。因以絹囊貯而板夾之。又包以小漆絹。卒腰革帶。帶懸鈴。手鎗。扶撥。撥賣。文書以行。夜則持炬火馬道狹車馬者負荷者聞鈴則遠避。諸旁夜亦以驚虎狼。不若又響及所之鋪。則鋪人出以俟。其至囊板以護文書。不破。碎不裝。積措小漆絹撥。以禦雨雪不濡濕。捨以備不虞。所之鋪得之。又展

轉以去。定制一晝夜走四百里。郵長治其稽滯者。郡邑官復督察加詳焉。而勤惰有賞罰。京師則設總急遞鋪。提領所秩九品。銅印。官三員。又有號牒鎖匣印。帖長引。隔眼之法。可謂密矣。世祖皇帝庚申年四月十九日。聖旨諭宣慰使。馮。馮。秀才等。自燕京經由望雲直至開平府。驗地遠近。人數多寡。起立急遞站鋪。凡有合遞文字。依已前體例。嚴立限次。遞送。據合用。第申奏其餘合立去處。照依已委。就使一體施行。欽此。於大都。東。西北。道。起立一百鋪。於各州縣親管民戶內。僉撥到鋪兵一千令一十八戶。撥於各鋪當役。北道花園鋪至雲州赤城四十二鋪。每鋪一十里。一鋪額設鋪兵一十六名。計三百七十四戶。大都在城三鋪。左。巡院花園。右。巡院二鋪。總鋪白雲樓。昌平縣十一鋪。雙泉。永泰。唐家嶺。榆河。皂角。雙塔。辛店。石河。南口。長坡。居庸關。龍慶州二鋪。北口。媽川。懷柔縣十一鋪。捧樾店。榆林。管家莊。懷柔。七里崗。狼山。統幕泉頭。長嶺。洪贊。石城。兒雲州十五鋪。槍竿嶺。欄林。孝老峪。何家寨。魯家保。向陽。水高家。會刁窩。井子。水西流水。趙家寨。張子峪。下松林。上松林。赤城。東道。臘八莊。鋪至薊州。蘆兒嶺。四十鋪。每鋪額設鋪兵五名。計二百名。大興縣三鋪。臘八莊。西交亭。東交亭。通州十四

鋪。辛店長城西關古城李家莊小白河馬五堡白堆子夏店泥里白浮圖朱家墳東石橋東嶺前州二十三鋪白蘭邦君許家嶺十里河西關七里峯甲區管山頭馬身橋林河石門六百營教井條子小官莊沙河邊化西關帖山嶺吳家城大柳樹荆子辛店盧兒嶺二鋪西道通玄關鋪至涿州澤畔鋪一十八鋪每鋪額設鋪兵八名計一百四十四戶宛平縣五鋪通玄關雙堤表井兒盧溝橋辛店良鄉縣六鋪長陽塔石岡楊家莊崇義店舊店琉璃河房山縣一鋪狹河涿州六鋪古店湖良河小馬村西集松林澤略二十八日聖旨諭宣撫使八春印都商孟卿等自京兆府直至開平府驗地里遠近人數多寡立急遞站鋪遇有合遞文字依已前體例嚴立限次遞送據合用人數於漏籍戶內斟酌差撥須管久遠安穩住坐仍具立定站鋪月日次第申奏其餘合立去處照依已委一體施行中統元年五月令隨處官司直接隣境兩界安置傳遞鋪驛至本路宣撫司宣撫司置鋪接連直至朝省每鋪置鋪丁五名各處縣官各置文簿一道付鋪遇有遞送文字當傳鋪所即注名件到鋪時刻及所轄傳送人姓名置簿令轉送人取下鋪押字交收時刻還鋪本縣官司時復照刷指滯者治罪其文字本縣官司稍袋封記以牌書號其牌長五寸闊一寸五分以

永樂大典卷萬四千五百七十五

綠油黃字書號若係邊關急遞公事用匣子封鎖於上重別題號及寫某處文字發遣時刻以憑照勘遲速其匣子長一尺闊四寸高三寸用黑油紅字書號已上牌匣俱係營造小尺上以千字文為號仍將本管地境置五鋪驛卓望地名各各開坐遞相行接隣接官司本路宣撫司將各各設定鋪驛幾處占訖人數報省令列設鋪地里合行遠近仰遵依施行一東路燕京已北宣德州已北至開平府每十里設置一鋪如遇傳遞文字須管一時辰內傳遞三鋪計行三十里一東路燕京已南西路宣德州已南每二十五里置一鋪如遇傳遞文字須管一時辰內次到鋪前計行二十五里燕京路宣撫司西京路宣撫司北京路宣撫司平陽路宣撫司東平路宣撫司真定路宣撫司大名路宣撫司河南路宣撫司益都路宣撫司京兆路宣撫司二年四月中書省奏準各路所設急遞鋪令宣撫司提調仍禁約沿途不得奪要文字本管官司亦不得料取差發錢物運運文字如有稽遲日時的量治罪鋪側居住人戶或設肆買賣者往來馬軍使臣人等並不得撥擾所遞文字除申朝者并本路行移官司文字外其餘閑慢文字不許入遞亦不得私自夾帶一毫物件轉送鋪丁常加存恤毋令逃竄失所違者宣撫司究治七月中書省三部先據各路急遞

永樂大典

鋪走遞文字中間稽遲損壞為係照視官不為用心及不係正官又無俸祿以上呈奉都堂鈞旨行下各路令總管府委有俸正官一員總行提點州縣亦委有俸次官往來則勘須要晝夜依程轉遞今未照得累承中書省劄付備樞密院制國用使司呈并左三部關及各路申急遞鋪傳遞文字往往遺失棄毀隱匿稽遲及匣子亦各損壞兵人數少蓋緣提點官依前不為用心以致如此為此擬定罪名呈奉中書省劄付該傳遞文字務在鋪司置層分明附寫所受所發相隣鋪兵姓名文字時刻及交遞文匣封鎖有無損壞每月提點官就鋪照押如此遞相關防或有失候易為挨究懲誡外擬提點官委自本處末職正官不妨本職常切往來仔細照層照勘須要鋪司依上謹細鋪兵少壯如有不堪鋪司鋪兵從各管官司於一體戶內補換相應人再不更易若有似前違錯其州縣照依所擬贖斷提管府提調官每季照勘所管州縣多寡違犯次數行下取招申部呈省仍取各路鋪司同提點官職名申部不時差官照例毋得似前耽悞官事仍釐勘提點官司毋得因而搔擾鋪兵取受酒食錢物違者治罪奉此省部施行仰速於本路并州縣官內各委末職正官一員不妨本職充提點官依奉中書省劄付內處分事理施行仍具委定官職名選補到堪申戶

計開具各各鋪司鋪兵花名備細數目攢造帳冊一就申部毋致再行更易違錯先具準行申未一州縣提點官初犯依舊例贖銅再犯罰俸一月以贖其罪三犯決四十各據所犯過名一總管府提點官每季驗所管州縣多寡違犯次數議罰一提點官如因而搔擾鋪兵需求錢物者治罪三年三月中書省欽奉聖旨遇有省中發遣文字令急遞鋪傳遞其餘官府文字並不得遞送各路總管府并總管軍官文字直申省者傳遞若不係申省文字亦不得傳遞欽此移咨陝西四川軍前行省劄付右三部并大名平陽等路宣慰司施行禁治不得將實封文字開拆損壞元封又當年四月十四日中書省劄付右三部呈各路入遞申省文字多無匣子封鑰往往只用封皮轉發前來竊恐漏泄公事兼有雨水濕損仰行移各路今後應據申發文字封裹用匣子盛頓如無封鑰於上書寫各路字號傳遞毋得住滯十二月四日中書省欽奉聖旨先為調遣軍馬公事繁冗設立急遞鋪傳遞文字今事務頗簡可罷去欽此劄付隨路欽依施行五年二月二十七日丞相綠真等奏先奉旨燕京上都創立急遞鋪據設置宣慰處亦合一體設置專以傳遞中書省左右部領部轉運司宣慰司文字其沿邊軍情公事合遣使往來奉旨准至元七年六月九日尚

永樂大典

卷一四五七五

書有據右司備承發司呈各路總管府運司及諸衙門申解茶鹽計粟藥味等物樣并文卷簿籍一槩發付急遞鋪轉送其鋪司人等多是鄉村農史不識利害其中差錯未便今後但有申覆物樣文簿等件須與文解一處如法封裹於上重封標寫路分都省准呈送兵部通行照會 八月七日尚書兵部奉尚書省判送御史臺呈監察御史言隨路行移關牒及帳冊入遞疲困鋪兵送本部照勘元行擬定連呈奉此照得隨路急遞鋪兵見行遞轉中書省尚書省并河南陝西東京等處行省及樞密院御史臺六部在京諸司局文字已是繁冗若又轉發隨路往復關牒文字實為辛苦議得除中都路幹辦事尤有行移別路文字合令本路封緘分付省部承發司於省部下各路封皮內附帶別路却有與中都路相關文字亦合於申呈省部封皮內盛頓入遞轉發其餘路分遞相關會文字似難入遞止合令人投下外據隨路申解帳冊重十斤以下可以擔負者許令入遞呈準仰通行合當照會依上施行 九月四日尚書兵部奉省劄擬到除中都路與別路相關文字於省部承發司附帶入遞其餘路分遞相關會文字止合令人投下事今據御史臺呈山東東西道提刑按察司申若不於急遞鋪傳發實是執快本臺照得按察司係監司衙門拘該數路關涉

永樂大典卷萬四千五百七五

十九

事多難同隨路體例乞依舊傳遞省府準呈仰照驗施行 八年二月八日尚書兵部近准各部關并隨路總管府申急遞傳發文字多有稽遲遺失磨擦損壞等事呈奉到尚書省劄付差官馳驛分路遍鋪點勘照例慮恐不一再行講究到項逐款事理呈奉都堂鈞旨送本部準擬施行奉此省部逐一區處于後一各司縣并無縣州未職有俸正官即係親臨提點官擬合上下半月往來親行赴鋪看押文曆仍各攬過界首一鋪遞相照刷文字有無稽遲損壞及點視關少鋪司鋪兵什物不完每月依例具中所屬上司申總府轉行申部其親臨提點官若無所屬上司提點竊恐或時怠慢擬合令有司轄縣州城及轄州縣散府有俸未職正官各一員每月一次亦行遍鋪依上照刷如有稽遲怠慢就取親臨提點官招伏類申總府如無總府提點官通行照刷亦恐州縣提點官無所畏懼通同捏合時刻以致失候官事擬合令總府未職正官一員更為親行提點照刷如稽遲怠慢依上取提類詳申部其餘散府及州城直隸省都者未職正官即與總府提點官同所據府州司縣提點官違犯贖斷一節照依中書省元定體例施行 一凡有遞轉文字到鋪司隨即分朗附籍速令當該鋪兵裹以軟包袱更用油絹捲縛夾板束繫費小回曆一本作急走遞

到下鋪交割附曆訖。於回曆上令鋪司驗到鋪時刻并文字總計角數。及有無開拆磨擦損壞。或亂行抄寫字樣。如此附寫一行。鋪司畫字回還。若有違犯。易為狹問。一鋪兵私下將所遞文字封發視者。根究得獲。責付合屬牢固收管。聽候申部呈省詳斷。一鋪司所傳文字。多係邊關緊急。或課程差發。造作刑名等事。儻有失悞。利害非輕。今知隨路鋪分。往往有年老幼小。不堪應役之人。或雇人頂替。深為未便。今後董勅各處提點官。須要本戶壯人。乃正身應役。走遞仍照依元定里數。須要一晝夜走遞四百里。一鋪兵置備下項什物於各鋪門首。分朗安置。遇有損壞。隨即補換。每鋪十二時。輪子一枚。紅綽肩一座。并牌額鋪曆二本。上司行下一本。諸路中上一本。每遇夜常明燈燭。鋪兵每名各備夾板一副。鈴攀一副。纒槍一軟絹包袱一。油絹三尺。蓑衣一領。回曆一本。一隨衙門。應下各路文字。并隨路中上文。解封緘。內件數既多。又用簿紙作封。盛頓。以此沿路遞傳。易為擦磨損壞。今擬合一體。先用淨榆紙封裹於上。更用厚夾紙印信封皮。其張數少者。每角不過五件。多者各令封緘。仍於封緘上標寫入遞時刻。似望不致稽遲損壞。一各路承發文字。人吏每日逐旋發放。及將承發到文字。驗視有無開拆磨擦損壞。抄寫字樣。分朗附簿。似望已後。

永樂大典卷萬四千五百七十五

二十

易為照勅。五月十四日。兵部奉尚書省劄付。官籍監呈西京太原等處。管斷沒官申遞。有中覆公事。并本監行下各官。及行移上都本監文字。合無入遞。得此送本部講究。得不合入遞。傳送省府議得。官籍監前屬判府時。遇有文字。判府行下取勅。今本監直隸省府。合依所呈。仰行下承發司。遇有官籍監下各處斷沒官文字。於刑部下各路總管府封皮內附帶。如有回申。却於總管府封皮內入遞。本監行移上都監文字。亦仰於省封皮內附帶入遞。仍下各路照會施行。二十一日。尚書兵部據益都路中東路蒙古漢軍都元帥府權府牒申。院查軍軍行入遞。飛申府司。照得從來並不曾遞傳都元帥文字。乞照詳。兵部議。沿邊軍情公事。合遣使往來。已有奏准通例。擬合遵守施行。符下訖。十月十三日。兵部奉省刊翰林國史院備陝西等路蒙古教授手註言。申報公事。別無所設公使人。若令各處急遞鋪。但復就帶投呈。似為便益。本部擬蒙古教授往復文字。合於各路總管府文字。就帶翰林國史院文字。合於各部。下隨路實封內。就帶相應。尚書省準擬。九年二月二十八日。兵刑部議。擬急遞鋪。合行事理。該委各州縣。承職正官。每季親行提點。照例。凡有傳送文字。當該鋪兵。裹以軟絹包袱。復用油絹捲縛。次以夾板。束繫。實小回曆一本。到下次鋪。交付

訖於回曆上令銷司驕到銷時刻弄文字總計角數及有無開拆損壞或  
亂行批寫字樣如此探附一行銷司畫字回還亦令各路承發司將承發  
到文字驗視有無如上違錯明白附簿如不測差官計點但有滅裂去處  
定是嚴行究治外據晝夜合走里數依已擬定走運都省準擬五月七  
日左補闕祖立福合奏諸路急遞銷名不合人情急者速急也但凡國家  
設官署名字意必須吉祥者為妙合無更定奉聖旨可令老成人講究改  
換佳名欽此呈省照詳都堂鈞旨令翰林國史院依上定立本院講究擬  
作通遠或飛鈴鋪名都省議定通遠銷割付兵部依上施行八月十九  
日中書省準西蜀四川行省咨銷兵運到省院咨文累有磨損者恐致漏  
泄事關利害都省議得省院行移西蜀四川行省文字擬令綠油漆木匣  
盛頓入運送兵刑部造到綠油漆木匣四十箇割付樞密院依上施行移  
咨本省如遇回咨就用傳去木匣盛頓入運施行十年閏六月中書兵  
刑部奉省判軍器監呈各處成造軍器等物開撥物料送納軍器應係隨  
路各申稟事理今後擬合急遞銷轉送似為違作早得辦集都堂鈞旨送  
兵刑部照會施行十月二十日中書兵刑部奉省判諸路幹院總管  
府呈本府掌管幹院人戶俱在隨路漫散住坐每年利息並不依期送納

魚本府別無公使人乃合無將本府文書與軍器監一例令急遞銷轉送  
都堂鈞旨照例定奪奉此省部照得軍器監文書已經入遞幹院府文書  
亦合急遞銷轉送十一年八月二十九日中書戶部據承發司呈銷兵  
運到隨路并庫司應報文冊俱無申解縱有申解却與其餘文冊一處實  
封遞發其間冊解先後不能一就到司若將冊發下戶部不為無詞必不  
承受若候類聚發送誠恐有悞公事又各路實封文解多有破壞緣用單  
紙作封裝發地遠致令磨擦破壞乞今後隨路并庫司凡有文冊今當該  
人吏將申解就於冊內實封轉發其餘文解令各該人吏在意用紙重封  
傳送似望帳冊文解完備更不破壞似為便益省部准呈通行照驗十  
二月十八日兵刑部據寧海州中福山縣在城社長逯忠信呈南鄰于文  
海運到上司下寧海州無封皮文字一束乞下益都淄萊兩路禁約毋令  
沿村人戶傳遞省部照得元行將下寧海州文字運傳至益都迤東仰鄰  
接州縣相承傳遞今據見申仰依已行令鄰接州縣轉遞毋差村居人戶  
致使毀封泄事十二年四月三日兵刑部奉省判樞密院呈各路申解  
軍情文字驗元發月日會計地里程限稍遲大甚又聞急遞銷司凡承受  
文字積聚甚多妨礙送遞沿途不為用心封裹以致字樣磨損不堪呈押

及有遺失不存者即令調遣軍馬之時多係邊關機密文字若不懲誠恐致失事都堂鈞旨通行各路嚴勒急遞鋪兵如有接到軍情并不以是何文字須管劃時遞送停滯損壞者罪之 十三年四月二十七日中書兵刑部奉省判左右司呈尚珎提舉司前去種稻麥路分往來勾當并尚珎署於各路置司凡有文字合無入遞本部議得尚珎提舉司文字若於宣徽院下各路封皮內就帶及尚珎署文字仰於各路中宣徽院封皮內傳送相應都堂准呈 十六年四月十七日中書兵部奉省劄據承發司呈鋪兵遞到諸衙門文解多有磨擦破碎不堪呈押并散亂陣亡病死軍冊三本中書省咨文七件俱無封緘破碎不堪呈押并散亂陣亡病死軍冊三本乞究治都省移咨行省今後遞送文字務要如法重封毋致磨擦今將樞密院元呈錄連行下合屬提點官今後每上下半月親詣遞鋪提點文層須要不致稽滯損壞如有違犯定將當該提點官究治仍依上挨門施行 二十年二月二十日留守賀某奏初立急遞鋪時省官取不能當差貧戶除其差發充鋪兵又不敷者漏籍戶內貼補今富人規避差發求充鋪兵乞擇其富者令充站戶站戶之貧者却充鋪兵乞良哈朋火魯火孫等官處稟議皆以為然今臣奏達奉聖旨准是月中書省准四川省咨雲南

及省所轄地面及羅羅斯宣慰司添設急遞鋪至四川界首傳遞事照得今雲南省文字自成都至嘉定水站經由叙州烏叅接諸路未嘗失誤若更於羅羅斯初立遞鋪別無戶計擬合於元立鋪道遞送為便都省准擬咨四川省去訖 二十一年二月兵部奉中書省劄付御史臺呈隨路急遞鋪比年以來走遞條約廢廢有司再不檢舉行御史臺揚州設立拘該江淮等路四省之地文字浩繁及各道急遞鋪傳到文字往往稽遲動經旬月並不依元定時刻里數走遞文字多有磨損或脫漏沉埋失誤公事蓋是各處提點官不為用心整點稽習怠慢以致如此本臺除已差官自大都前去揚州整點沿路鋪兵并下各道依上差官整點外更乞分頭差官遍行諸路整點都省照得急遞鋪元擬傳遞文字標寫奉奉時刻鋪兵一晝夜行四百里各路總管府委有俸正官每季親行提點州縣亦委有俸不職正官上下半月照刷如有怠慢初犯事輕者笞四十贖銅再犯罰俸一月三犯的次總管府提點官比總管減一等仍科三十初犯贖銅再犯罰俸半月三犯的次鋪兵鋪司痛行斷罪累經行下合屬依上施行去訖近准刑湖行省急遞鋪稽遲損壞文字再送據兵部從長講究回呈元定轉運呈限提點官負罰規繩遠近輕重不為不盡然往往遲滯蓋由

永樂大典

卷一四五七五

提點官員。久而疎慢。不肯用心。拘鈐鋪兵人等。上司衙門。加以縱弛。不依前例。責罰提點官。上下相容。以致如此。今後若有怠慢。稽遲失悞。去處將當該提點官。照依元定規繩。必罰毋恕。仍令各道按察司。不時點視。依上責罰。似望革去前弊。已經準呈。送本部。依上施行。訖。今據見呈。都省除已劄付御史臺。行下各道按察司。不時點檢。如有稽遲。磨損文字。將鋪司鋪兵。就便斷罪。提點官取摺申臺。呈者外。仰依已行。遍下合屬。依上施行。四月。功德使司官。脫因桑哥。奏都功德使司文字。在先不雷。入遞。今呈大都省。及行下僧人。一切文書。至多。乞令入遞。轉送。奉聖旨准。二十二年三月二十九日。中書省。遣為有司。不為用心。拘鈐。依期整點。急遞鋪兵。亦有關役。并老幼之人。走逆。不及元定里數。及所傳送文字。不分緩急。致令一藥。稽遲。擬令急遞文字。用油單。羊皮。表布。裏白。囊。或頭。依元限。一晝夜。行四百里。該水官府。照依聖旨。元定程限。施行。若遇急遞。公事。驗上司。坐去。限次。回報。違者。治罪。及將造到。青白皮。囊。樣。咨。發。各省。劄付。合屬。依上。施行。去訖。都省。照得。青白囊。合用。羊皮。即目。民間。皮貨。官拘。收。諸項。造作用。度。數多。若依。元。發。樣。製。成。造。應。怨。皮。貨。不。敷。今。擬。作。元。定。青。白。顏。色。改。為。絹。表。

永樂大典卷萬四千五百七十五

三

布裏成造。又擬兵部。呈為。遞鋪設置。二十五年。其鋪兵。豈無。逃亡。老幼。事故。人等。擬合。差人。前去。督勸。各路。提點官。與州縣。未職。正官。公同一。鋪鋪。點。勘。但有。事故。逃亡。老幼。不堪。走逆。關役。鋪兵。即便。依額。補差。數足。整點。什物。完備。外。據所。立鋪。分。若有。十里。之上者。依元。行以。十里。為。則。安置。都省。准。呈。施行。訖。二十五年。三月七日。奉聖旨。各急遞鋪。畜狗。二十六年。正月二十三日。尚書省。據宣政院。呈。脫思麻。隴西。等路。西蜀。四川。釋教。總攝。所。文字。合。無。照。依。江。淮。諸。路。釋教。都。總。統。所。例。入。遞。傳。送。都。省。依。准。劄。付。宣。政。院。下。兵。部。照。會。十一月。尚書省。樞密院。呈。脫。忽。鐵。木。兒。萬戶。下。蒙古。奧魯。官。安哥。申。見。於。德州。平原。縣。置。司。凡。有。軍。情。文字。合。與。有司。下。體。遞。送。兵。部。照。擬。得。樞密院。專。為。急。遞。軍。情。文字。入。遞。合。從。所。擬。相。應。都。省。照。會。依。上。施行。二十七年。三月二十五日。中書省。據。宣。使。阿。忽。鮮。呈。計。點。各。處。急。遞。鋪。有。府。判。州。判。縣。尉。提。調。因。公。差。故。遞。相。推。調。以。致。稽。遲。今。後。遇。有。差。故。就。令。各。處。以。次。正。官。首。領。官。提。調。似。不。遲。悞。又。諸。衙門。應。有。一。切。官。中。文字。必。須。經。由。承。發。司。發。行。或。有。承。司。小。吏。不。詳。合。發。文字。緊。慢。經。隔。數。日。不。行。填。發。乞。委。首。領。官。一。負。不。妨。本。職。提。調。每。日。於。各。案。司。銷。照。發。行。亦。不。遲。悞。都。堂。准。呈。送。兵。部。依。上。施行。六月十六日。

兵部呈山東宣慰司開濮州中濮州與山東宣慰司東北西南相望通傳  
 文序却往正南轉至曹州一百二十里往東至濟寧府一百五十里往北  
 至鄆成縣東第十二牌急遞鋪又是八十里計三百五十里纔與濮州東  
 西相照不知徑直至十二牌鋪止是一百里背遠三百餘里若將曹州至  
 濟寧府七鋪移於曹州東至濮州止安五鋪餘有二鋪濮州至曹州五鋪  
 移於州東至鄆縣一十二鋪相接不唯里路近便又得省并兩鋪為民都  
 壹鈞旨准呈運送兵部行移合屬照會仍將放罷戶數就關戶部收差奉  
 此二十八年十月九日中書省照得近年衙門衆多文字繁冗急遞之  
 法大不如初議到下項事理割付兵部仰遍行合屬逐一依准施行一  
 近年入遞文字封緘雜亂發遣無時是故附寫多致差違轉遞亦甚不便  
 今後省部并諸衙門凡人遞送文字其常事皆付承發司隨所投下去處  
 各各類為一緘謂如江淮行省者凡江淮行者不以是問又乎進為一  
 緘其地官府准此且發遣附寫不繁轉遞亦便一省部臺院急遞之事  
 另置匣子發遣其匣子入遞隨到即行一晝夜須及四百里此等文字另  
 行附厯以備照刷其行者行院行臺皆准此一鋪司須能附寫文厯辦  
 定時刻鋪兵須壯健善走者不堪之人隨即易換一轉遞匣子內文字

一晝夜須行四百里其餘文字發遣既無繁文轉遞亦多省力一晝夜擬  
 行四百里違者提點急遞鋪官依例斷罪一文字到日當該提點官過  
 詣諸鋪叮嚀省諭鋪司鋪兵各使備細通曉毋致停滯差違三十年六  
 月中書省據兵部呈急遞鋪文字稽遲蓋因各處提調官不為用心照刷  
 及諸衙門文字繁劇元報鋪兵數少不能迭辦擬於大都通南至保定真  
 定貫通各省去處量添鋪兵令廉訪司常切鞫勅各處提調正官親行詣  
 鋪照刷整治定立到提調正官罪名具呈照詳都省議得隨路急遞鋪所  
 遞文字比之初立以來特是遲慢蓋為各鋪兵積年之間漸有逃亡不及  
 元數止仰覓在人戶傳遞及各處提調正官看同泛常不依元例上下半  
 月親詣各鋪整治往往令鋪司人等就贖文簿赴司呈押或轉委司吏人  
 等代替照刷雖有怠慢去處不肯從公理會中間因而作弊以致鋪兵人  
 等減裂如此今擬差官分道前去腹裏路分與各道正官一同詣鋪從實  
 計點若有身死在逃老幼殘疾不堪走遞之人取勘見數於相應戶內依  
 數補換須令堪役人丁止身應役毋令權豪勢要并一般人戶受錢結攬  
 代替附具實補換戶數各縣村莊花名造冊呈省或有必合添設戶數去  
 處亦仰明白議擬係結呈省仍令各鋪照依已定體例并換續禁治條陳事

理實置時刻輪牌燈帳法燭乾袋油絹天板鈴琴等物一切完備遇有遞傳文字。隨於鋪曆上分明附寫是何衙門文字。承發時刻相鄰鋪兵姓名。交通文匣。有無損壞。即用已備物件如法裹護。及用當時第幾刻牌子。於文字上來繫。依所定時刻送至前鋪。亦行依上明白交接。附曆須要晝夜行四百里。委自各路正官一員。每季總行提調州縣。亦令有俸本職正官。上下半月親臨提調。往來照例。如有稽遲。磨擦損壞。沉匿文字。即將當該鋪司鋪兵。驗事理。輕重斷罪。仍令各道廉訪司。常切釐勒。當該正官依期整點。如但有不一。依所責親臨提調官。初犯笞一十七下。再犯加一等。三犯呈有別議。總行提調官。以親臨官。喊等科斷。每季具境內有無稽遲文字。開申合干上司。任滿於解由內通行開寫。以憑照降。通行照會。依上施行。三十一年八月。中書兵部奉中書省劄付。御史臺呈。行御史臺咨浙東海右道肅政廉訪司。申監治溫台處州分司。牒諸衙門入遞公文。皆用印信封皮。以防走泄官事。體例近年。隨處鋪兵。往往私將所遞公文拆看。及有一等訴訟被論人。採聽官事。追會公文入鋪。尤於道路等截。賄賂鋪兵。私開抄錄。或致盜匿。姦弊多端。今處州路縉雲縣鋪兵。將本司移牒總司公文拆開。夾帶貼子。書寫宣慰司所委點鋪。奏差張繼忠。取皮錢物。及至

總司繳回。扶究至本鋪其人。又復開拆。却將原寫貼子獨去。詳此明見。隨處鋪兵人等。將應有遞送諸衙門公文。件件私自折讀。其間主意難測。若不嚴加關防。所繫利害。非輕其鋪司鋪兵。多是受雇僥倖。頑庸之民。常不在鋪。或遲夜不通。蓋因久與提調官吏情熟。請鋪計點。有時遲慢。則營求脫免。所以縱橫情弊日深。往往輒將諸衙門公文。盜開其鋪兵於無人之地。必欲求水滋潤。開拆雖重。封裹無濟於事。各處提調正官。不過照例措遞。斷不能關防私拆之弊。其省部臺院廉訪司事。多機密。既鋪兵人等私自窺視。必有不良之意。至元二十八年。更張之後。都省許令各處置立木匣。所在官司。至今因循苟且。止以封皮入遞。致令鋪兵擅開。或剗出解尾。聞知隨處遞鋪。元有造到木匣。未嘗使用。今令永嘉縣提調官。將到各處木匣大小不等。改造到一孫小匣五十隻。各帶鎖一副。先封一孫鑰匙。於各衙門收管。每發公文入遞。於鎖上封記。仍用印封紙。渾封匣面。當司如此。遞送兩月。往復公文。匣上驗視。並無分毫拆動。此之向。日少有稽遲。牒請備申。移咨御史臺。及牒宣慰司。具呈行省。行下合屬。依都省元行一體置造木匣。轉遞公文。仍勅提調官。須要正名。少壯鋪司鋪兵。晝夜在鋪。應當如委有病故。時暫許產火壯善走之人。應據若有代名鋪司鋪兵。

盡行替換。庶免盜拆。稽遲之弊。具呈照詳。都省準呈。別付本部。通行合屬。依上置造。木匣走速。釐勒提調正官。照依已行。常切整治施行。是年設置。大都總急遞鋪提領所。降九品銅印一顆。設提領三員。別無俸祿。成宗皇帝大德三年十一月。兵部呈大都路備急遞鋪提領所申。大都至上都八十二鋪。本路所管四十二鋪。沙窩鋪。迤北至上都四十鋪。俱係上都管領。自二月初一日。至八月罷散。本路所管鋪兵。先行走遞。止是支請四箇半月口糧。上都路鋪兵。每年後走先散。却支六箇月口糧。擬合照依上都路鋪兵例。一體放支。本部參詳。若依所申。擬自大德四年入役日為始。與上都鋪兵一體放支。六箇月口糧。相應呈奉。都堂鈞旨。送戶部行。使兵部照勘明白。依舊例。每月三千。每年放支六箇月口糧。四年二月十三日。中書兵部奉省判。本部呈。大同路申轉。迤樞密院等衙門。赴和林宣慰司。投下文字。迤北。但係蒙古軍站草地。無處轉遞。本部照得大同迤北。元無所置急遞鋪。以此參詳。今後諸衙門。行移宣慰司文字。合依甘肅行省例。發付省承發司。託令使臣順帶相應。奉都堂鈞旨。準呈。連送行移照會施行。五年五月。大都路總急遞鋪提領所言。本管鋪兵。乃細戶下民。日夜奔走。傳命。未嘗少休。正患臨逼。逃竄州縣官吏。又常以提調整點為由。科差擾

擾。今大都上都。既設提領。所以掌郵傳。不必復隸州縣。合無止令官總攝。官民兩便。省部參詳。大都上都州縣事務繁劇。即與外路不同。既設急遞鋪提領。所給印親管鋪兵。合準所擬。止責本所依例。照刷文曆。路官總行提調。若有違慢。依期科斷相應。下合屬依上施行。十年七月。江西行省言。自閏正月二十二日。蘄州路郵傳總鋪中舉。遞發到本省咨文一角。為大德九年夏季賊盜事文字。印押破裂不完。遂遣使由省前急遞鋪為始。次第考究。至大都路擇呼鋪。惟龍興南康。江州。興國。蘄州。黃州。汝寧府七處。所轄郵舍。所置夾板。乾袋。什物。如法。其餘汴梁。衛輝。彰德。廣平。順德。真定。保定。七處總鋪。皆無夾板。止用布帛囊盛文字。前咨乃是汴梁路在城。總鋪。未遞傳。以致沿途損壞。已取提調官成世傑招詞。似此疎慢。豈不敗事。請懲戒整治。兵部照得大同等路。先申郵傳。不遵程限。損失文字。蓋自總鋪承受公文。如式書記封護。傳至前鋪。依上發遣。所至輒經一二時辰。以故損失停滯。深為不便。莫若以各鋪乾袋。夾板。繩。擔。什物。置於總鋪。允違發文字。合鋪司提領。明書某處。至某處。呈下用某字號。夾板。什物。裝發。各鋪。附寫回曆時。書某鋪某人。傳到某字夾板。以至前路。相做標記。至總鋪。然後開拆。如式發遣。庶無住滯。損失之弊。本部議除各處行省急遞

永樂大典

卷一四五七五

鋪候取勘完備區處。其腹裏路分。奉上立法。令各路總鋪。相傳收掌什物。以十字文編號。如或傳違。提調官有不用心整治。以致稽違損失公文者。初犯親臨州縣提點官罰俸一月。總府提點官罰俸半月。再犯州縣官罰十七。總府官罰俸一月。三犯別議。保社過名。相應呈奉省。擬差官計點鋪兵。內若有逃亡老幼殘疾者。補易之。必合增設者。申明之。各照舊例。設置時刻輪牌。燈帳法燭。氈袋油絹。夾板鈴。蔡諸物。凡遇違傳文字。藉記是何官府承發時刻。相鄰鋪兵姓名。交通文匣。有無損壞。然後封暴。用某時某刻。木牌附繫。送達前鋪。晝夜行四百里。各路正官一員。每季總轄提調州縣承職正官。上下半月。親臨往來提調。如有稽違。損匿文字。即罪當該吏兵。各道廉訪司常切整治。但有違越。初犯親臨提調官。官十七。再犯。官二十七。三犯。呈省別議。路官減一等科罪。任滿於解。由內並開。以憑點降。已經依上施行訖。今據前因。再議。遣使分詣腹裏路分。及咨各省。是官從新整點。其已取招詞去處。就便先治施行。十月二十四日。中書省准江浙省咨。廣德路申本路自在城鋪。投東舊曾設五羅村。夏家山。東亭湖。設打急連鋪四處。計五十餘里。相接湖州路。長興州所管店塘鋪。連至杭州。止長三百餘里。文字往復。三日可達。先因省府移置揚州。以此將前項四鋪

永樂大典卷萬四千五百七五

三七

革去。自後省府復置杭州。大德元年。又因江東道宣慰司例。革本路直隸省府。凡有申報文字。必須經由湖州路所轄急連鋪轉送。為此議得依舊設立段村等四鋪。走遞便益。大德三年五月四日。移準江東建康道肅政廉訪司。牒講議得宜。從添置畫圖。貼說於當年十一月。申奉省府。劄付該移準中書省。咨送兵部。議得既廣德路改屬行省。合准所擬添置四鋪。所擬鋪兵除就用舊戶外。若有敷數之數。許於元減下鋪兵內。互撥。依例起蓋鋪屋。走遞相應。依上添置。凡有遞送文字。並無稽遲。甚為便益。至大德五年八月內。湖州路因為減併。遞鋪中。奉省府劄付。移準中書省。咨兵部。呈該本部。雖已斟酌存減。合併。終不見彼中緊要事宜。恐有差遞。合咨行省。更為可否。回咨承此。不期湖州路。不詳廣德軍國。太平池州等路。軍民官司。俱係直隸行省。接連走遞。緊要便道。却行隸屬。擬稱安吉縣界至杭州。餘杭縣等處。止是隣境。緣分。連遞相關文字。不係緊要之處。如此說詞。致蒙省府一例革去。是致廣德并寧國池州等處。軍民官司。一應申呈文字。及奉省府行下劄付。俱各經由深水建康。鎮江。常州。無錫。平江。嘉興。崇德。杭州等路。遞送。周折一千五百餘里。一月餘。才方得到。實為慢事。不便。為此擬擬仍舊添設段村等處。四急連鋪。實為便益。甲乞鈞詳。得此奉

省除已行下本路依舊安置走遞外。咨請照驗都省。擬別無遺礙。依上施行。美帝皇帝至治三年。兵部奉中書省劄付。海北廣東道蕭政廉訪司。照磨官。隨處急遞鋪。反匿損壞公文。有失故法等事。送本部議得。置郵傳命。古今良法。行之既久。不能無弊。蓋其法每十里設置一鋪。排列遞次。凡遞文字。止憑一鋪司承受發遣。其鋪司率皆村野愚民。不知利害。不通文理。一鋪層尚然不整。豈能表率鋪兵。使之依法走遞。其鋪兵人數。老幼充應。多不堪役。州縣官司。視同泛常。又不依期親歷。整點遞數。文字措遞損壞。至於沉匿。無從追究。為弊至此。豈宜坐視不加整治。其元立程式。非有可以更改者。但為別無專管之人。以致如斯。所據上項長引隔眼。固是可用。未能悉救其弊。又相離數千里去處。亦難每鋪標馬。以此參詳。擬合每十鋪設一郵長。於州縣籍記司吏內差充。一月歲支奉。其拘該兩州縣去處。從鋪多者。差設相等者。連年輪差。使之專督其事。時常於所管鋪分往來巡視。務要脩置亭舍。什物完備。附寫鋪層明白。照依元立程式走遞。但有老幼鋪兵。隨即申覆補換。凡入遞文字。從始發官司。約量地里遠近。印帖長引隔眼於上。明白標馬件數。發行日時。至各各郵長去處。標馬發放轉遞。每上下半月。具遞過文件。及各各日時申覆提調官。依期親歷刷

永樂大典卷萬四千五百七十五

二十八

勅整點。看押文案。具報廉訪司。照刷。若各鋪措遞損壞文字。或附寫不明。不實。本管郵長。就便治罪。其在別管鋪分。亦須互相舉呈。所屬上司。行移寬浚。若郵長不能盡職。致有措遞者。提調官。量事輕重。議罪。三犯者。替罷。仍出。去州縣籍記姓名。其於一歲之內。充盡。乃役。畧無措遞者。即許從優。先行補用。若提調官吏。不行依期用心。刷勘整治者。廉訪司。嚴加究治。仍於年終。將斷過此等官吏。通類另行置。備呈都省。驗事。別議黜降。如此責委既專。自能盡心於事。前弊可得漸除。如蒙准呈。宜從都省。移咨各處。行省。劄付御史。查照會本部。依上施行。今將再立到隔眼樣式。粘連在前。具呈。照詳都省。仰通行合屬。依上施行。元典章。整無急遞鋪舍。大德元年五月二十日。江西行省。照得。隨路置急遞鋪。定立程限。轉遞內外。諸衙門。一切文字。專委親臨州縣。未職官。充提點。上下半月。往來。照刷文案。又令各路。未職官。每季刷勘。務要不致措遞。比年以來。往往將各處文字。不依程限。走遞。及磨擦損壞。杜駁。由頭。解尾。開封。發視。去失。件數。或亂標字。係批。回至。有數次者。因而。狃悞。公事。不便。都省。議擬。到合。行。事。理。適。下。合屬。先。令。各。處。提。點。官。照。刷。無。視。聽。候。都。省。差。官。整。治。施。行。親。臨。官。並。擬。未。職。州。判。主。簿。錄。判。充。提。點。親。臨。本。管。并。相。提。別。境。刷。勘。但。有。遲。慢。隨。即。

科決如點視官違期不行刑罰或照出指遲事件不行舉問照依下項事  
理施行仍於解由內開屬違期初犯罰俸一月再犯決一十七下三犯決  
二十七下隱庇不行舉問扶兜或脫漏不實申省科斷 總府未職府判  
每季將引司吏一名祗候一名適所屬刑勘牒報本路竟者比依前例減  
一等完治 提調官非理搔擾鋪兵取要酒食等物依律治罪 大德六  
年四月江西行省准中書省咨兵部呈奉中書省劄付該急遞鋪通到  
湖廣行省咨文為薛闡干元師殺虜人口不公等事磨擦損壞仰扶兜施  
行承此又據總急遞鋪提領所狀申各處行省并平陽太原等處文字多  
有磨擦損壞扣算元發日期比至到部亦不依元立程限及所置長行夾  
板多不齊備申乞照詳得此照得大德四年五月十六日承奉中書省劄  
付來呈大都等處申隨路急遞轉送文字不依程限走遞及磨擦損壞批  
毀由頭解尾開封發視去失件數亂標字樣等事內一件應有轉送文字  
每日少者不下千百餘件俱各於總鋪承受發放明白開寫某處文字何  
處呈下才用油絹袱兒纏袋夾板裝發打角轉送前鋪交割又令鋪司夾  
板繩擔金於各路總鋪頒放令鋪司一名提領一名將各項所遞文字明  
白開寫某處文字至何處呈下却用某字號號夾板繩袋纏擔裝發打角  
令各鋪鋪司於鋪兵迴厝上附某時幾刻某鋪某人送到某字號夾板纏  
袋一付到前鋪交割到彼再令鋪司依前標付時刻依前開寫上用油絹  
袱兒纏袋裝發打角每一鋪開寫一過遲滯一二時辰不能轉送每晝夜  
轉送不及百單深為未便若將各鋪纏袋刻號數花名畫字以備照刷直  
至前路總鋪開拆令鋪司依上備細開寫某處文字至何處呈下再用某  
字號號夾板纏袋依上打角至別路總鋪開拆如此轉送不致指遲磨擦  
損壞等事本部議得除各處行者急遞鋪處所伺候都有取勘完備至日  
另行議擬外據腹裏路分驗總鋪去處以十字文編立號數令當該官司  
既祠各鋪舊使夾板油絹袱兒纏袋繩擔依樣形造坐去字號兩頭總鋪均序  
收掌照依前依往來轉遞今後提點官不為用心整治致有指遲損壞文  
字初犯州縣提點官罰俸一月總府提點官罰俸半月再犯州縣官管  
一十七下總府官總府官罰俸一月三犯別議仍標注過名令各道廉訪  
司點刑提點官并總鋪文書若有違犯依例責罰如准所呈差官馳驛分  
道前去改置計點合用夾板等物須要完備先取當該官吏重甘執結申  
呈相應令開合點物件如石具呈照詳都省照得先為隨路急遞鋪所文  
字比之初五以來特是遲慢該擬官分道前去腹裏路分與各處正官一

永樂大典

卷一四五七五

同詣鋪從實計點。若有身死在逃。老幼殘疾不堪走運之人。取勘見數。於相應戶內。依數補換。須令堪役人丁正身應役。無令權豪勢要。并一般人。取要錢物。結攬代替。開具不補換戶數。各縣村莊花名造冊呈省。或有必合添設戶數去處。亦仰明白議擬。保結呈省。仍令各鋪照依元行體例。并接續某治條陳事理。安置時刻輪牌燈燭法燭。遺袋油銷夾板鈴攀等物。一切完備。遇有運去文字。隨於鋪曆上分明附寫。是何衙門文字。承發時刻相隣鋪兵姓名交替。文匣有無損壞。即用已備物件。如法裹護。及用當時筆。刻牌子。於文字上拴繫。依所定時刻。送至前鋪。亦行依上明白交接。附曆。須要晝夜行四百里。委自各路正官一員。每季總行提調州縣。亦令有俸末職正官上下半月。親臨提調。往來照例。如有稽遲磨擦損壞。沉匿文字。即將當該鋪司鋪兵。驗事輕重斷罪。仍令各道廉訪司。常切覈勒。當該正官。照勘整點。如但不依所責。親臨提調官。初犯笞一十七下。再犯二十七下。三犯呈省。別議。總行提調。比親臨。減一等科斷。每季具境內有無稽遲文字。開申合干上司。任滿於解由內。通行開寫。以憑點降。已經差官計點。整治。及咨各省。劄付御史臺。本部依上施行。去訖。今據見呈。都者議得。編立字號。總鋪打角。相泐交點。轉運。合用什物。依准部擬。其餘

事理。已行定例。除外。合下仰照驗施行。承此。除依上施行外。今據前因本部參詳。見奉都者劄付。挨完各鋪磨損湖廣行省咨文。及提領所申各處。亦為擦磨損壞。文字若不差人。挨完整治。深為未便。所擬行省地而急。遞鋪亦仰差去官。與各處提調官。一同依上。改置長行夾板。嚴加禁治。入遞。申臺文字。重封入遞。至元二十三年。月。行御史臺。據管勾。承發司。兼獄丞。中照得。元奉御史臺劄付。行下各道。按察司。應有申臺文字。須要重封入遞。轉送。毋致損壞。今據鋪兵人等。運到各道申臺文字。往往不依御史臺所行事理。重封止用單紙。封皮。俱各擦磨損壞。文辭漏泄。事理合行再下各道。遇申臺文解。須要如法重封入遞。轉送。似為不致破損。應臺得此。照驗。應有申臺文字。依已今事理。須要重封入遞。轉送。毋致損壞。仍俱依准文狀申臺。入遞文字。大德五年五月。行御史臺。准御史臺咨。奉中書省劄付。未呈行臺。咨監御史。呈。切照比年。守省。追問公事。遞申到憲臺。劄付。察院公文。遲滯。月餘。照到入遞。月日。扣算地程。每晝夜。僅及百里。蓋提調官。不為用心。拘挨。亦有夾雜諸衙門。不該走遞文字。數內。除首臺軍民錢穀。造作各各衙門外。千戶所。僧錄司。家古。教授官。暨提領馬站等。一應司存。詳此。徹末司屬。不關治政。開慢去所。若此之類。不勝其繁。豈

永樂大典

卷一四五七五

不防奪正合轉遞重大衙門文字若不整治切恐因循廢弛不便本部者  
 詳係為例事理合令干部分定擬入行省咨亦為此事送兵部照得  
 中統三年奉聖旨遇有者裏發的文字教轉遞者其餘官府文字並不得  
 急遞鋪轉送各路總管府文字并總管軍官文字直申省者急遞鋪轉送  
 若不係申省文字休轉遞者又中統五年奉聖旨據設立宣慰司去處  
 依舊設立急遞鋪專一轉遞中書省領左右部宣慰司轉遞司文字沿邊  
 軍情公事差使臣往來均當至元八年兵刑部奉省判為各處成遣軍器  
 應係隨路合申稟事理今後擬令急遞鋪轉送又尚書省定例隨路帳冊  
 重十斤已下可以擔負者許令入遞至元二十年奏准功德使司文字入  
 遞行者欽此至元二十六年尚書省准擬釋教總攝所總統所凡行文字  
 入遞者至元二十八年奉都省照會一款遞年入遞封緘雜亂發遣無時  
 是故附寫多致差迷轉遞亦甚不便今後省部并諸衙門凡入遞文字其  
 常事皆付承發司隨所投下去處各類為一緘謂如江淮行省去者凡  
 江淮行省不以其何文字通為一緘官府准此日一發遣附寫不繁轉遞  
 亦使已經通行者當今奉前因本部恭詳亡來收附以來諸悉平此中統  
 至元之初公事浩繁入遞文字何啻百倍鋪兵人數曾不加多若必以晝

永樂大典卷一四五七五

三十一

夜四百里責之切恐往返頻數疲勞不能送辦擬合照依元奉聖旨事意  
 除遠軍情緊遞等事差委使臣均當外據應合入遞文字責令總鋪依  
 例類緘發遣限一晝夜行三百里渡涉江河風浪險阻不拘此限及除兩  
 都遞送御錢采菓鋪兵外其餘應設急遞鋪兵去處止遞公文並不得將  
 文冊十斤已上及一切諸物入遞如違悉送所在官司究問路府州縣正  
 官提調庶訪司常切糾治相應令將各各遞送文字衙門開坐具呈照詳  
 都省議得急遞鋪晝夜里路已有定例所據總鋪見行入遞先祿寺等衙  
 門擬合依前入遞餘准所擬都省除外仰依上施行應入遞文字衙門  
 中書省 太師府 太傅府 樞密院 行院 御史臺 行臺 行  
 省 宣徽院 扎魯花赤 徽政院 宣政院 大司徒 六部 中政  
 院 通政院 大司農司 兩都留守司 大醫院 泉府司 內史府  
 提調河道官 王相府 集賢院 崇福寺 總統所 總攝所 太  
 史院 致用院 翰林國史院 將作院 象吉翰林院 各道宣慰司  
 各處宣撫司 各衛 武備寺 都元帥府 各道庶訪司 尚乘寺  
 先祿寺 太僕寺 太常寺 闕遺監 利用監 太府監 章佩監  
 尚舍監 中尚監 都水監 國子監 序可孫給事中 侍儀司

司天臺。內軍司。官正司。拱衛司。教坊司。各處萬戶府。省院都鎮撫司。漕運司。監察御史。鹽茶轉運司。護國仁王寺。總管府。納綿總管府。財賦總管府。都水廣田司。大都鷹房都總管府。秘書監。淘金府。兩淮屯田打捕總管府。直隸省都軍器人匠總管府并局院。晉王位下總管府。鈇冶提舉司。道教司。蒙古儒學提舉司。官醫提舉司。府州奧魯官。路府并直隸省都軍州。不應入通衙門。新舊運採提舉司。怯憐口提舉司。八作司。衛候司。牙首忽司。財賦提舉司。各役下總管府。尚飲局。沙糖局。尚食局。文須庫。文成庫。太廟署。掌散司。帖只官人。天長觀。僧錄司。道錄司。都綱司。蒙古儒學醫學教授。不入通。銷兵不轉諸物。至元八年三月尚書兵部近准各部關為各路不時於急遞銷內轉運絲貨錢數弓箭軍器茶墨等物。往往遺失短少。行下根括不見。又下隨處釐勒陪價深為不便。照得中統五年欽奉聖旨。節該據設立急遞銷專一遞中書省左右部宜慰司轉運司文字外。沿邊軍情事差使臣往來月當。欽此。看詳急遞銷止合欽依聖旨事意。遞傳各衙門應有文字。所據絲貨鈔數弓箭軍器茶墨等物。若令各路順便脚力稍帶。是為便益。呈

永樂大典卷萬四千五百七十五

奉都堂鈞旨。送兵部准擬行下各路照會。欽依施行。無印文字不入遞。至元三十一年四月。行臺准御史臺咨。照磨承管勾兼獄丞。呈三月初四日有總銷兵張榮送到迤南文數內。檢得有無印信呈臺白實封文字一角於上。該寫文桂發陳言公事。拆開讀覲得該文桂發告論慶遠路總管相合守忠邀功冒賞等事。喚問得大都路在城急遞銷司李德元狀供。委是迤南傳送前來。並不是本銷接受文字。請行下本道廉訪司。行移合屬。不應接受入遞銷司人等。就便斷罪。更為禁治施行。帳冊十斤以上不入遞。大德五年十一月。行臺准御史臺咨。承奉中書省札付。來呈燕南道廉訪申。監察御史呈入遞文字繁雜。送兵部議得。並不得將十斤以上及一切諸物入遞。照得本道每年造到事跡。駐濫文冊舊例。急遞傳送赴臺呈報。今造到大德四年事跡。帳冊斤重數多。未審如何施行。送兵部。照得文冊十斤以上。不許入遞。係都省定例。所據駐濫帳冊十斤以上。今後合令所在官司。與考較錢糧文字一體施行。具呈照詳。都省准呈。仰照驗依上施行。某例。拖銷兵挑擔。大德五年正月。湖廣行省准中書省咨。建康路總管千奴太中呈。釐勒事內一件。各路差使人負往。往強拖銷兵并鎮店百姓挑擔行李。及排船隻議得。設立急遞銷兵。本為轉送

文字走避里路。已有定例。近年以來。有過往權豪及官吏人等。因公差將鋪兵等拖扯挑擔行李。以致走避文字。稽遲今後嚴切禁約。如有似前違犯之人。痛行斷罪。仍每鋪給榜一道。常川張掛。若鋪兵畏避權勢。依隨挑擔行李。遲慢走避文字。亦行究治。如有官司明白印信公文轉送者。依例遞送。庶訪司常加體察。兵部議得。設立急遞鋪兵。本為遞轉文字。今有差使人員。往往拖扯挑擔行李。通行合屬。由榜發行禁治。如有違犯。所在官司。即便究治。仍令庶訪使體察相應。都省准擬。通行合屬。依上施行。

國朝諸司。職掌急遞鋪。凡十里設一鋪。每鋪設鋪司一名。鋪兵要路十名。僻路或五名。或四名。於附近有丁力田。積一石五斗之上。三石之下。無充。須要少壯正身。每鋪設十二時。日暮一箇。以驗時刻。鋪門首置立牌門一座。并牌額。全常明燈燭一副。簿曆二本。鋪兵每名。合置夾板一副。鈴攀一副。樓鎗一把。棍一條。回曆一本。一遞送公文。照依古法。一晝夜通一百刻。每三刻行一鋪。晝夜須行三百里。但遇公文到鋪。不問角數多少。須要隨即遞送。無分晝夜。鳴鈴走遞。前遞開鈴。鋪司預先出鋪交收。隨即於封皮格眼內。填寫時刻。該遞鋪兵姓名。速令鋪兵用袱包裹。夾板拴繫。費小回曆一本。急遞至前鋪交收。於回曆上附寫到鋪時刻。以憑指考。毋致

永樂大典卷萬四千五百七十五

三十三

停任差違。如是公文到來。不即遞送。停積等待。因而失誤。事幾者。問罪。一各州縣於額設司吏內。選充鋪長一名。專一巡點所轄鋪分。督令各鋪司兵。如法走遞。親臨府州縣提調官。常加檢點。鋪長失於整點。隨即問罪。每月置立文簿。當該提調官署押附馬。遞送公文時刻角數。以憑稽考。一無印信文字。未許入遞。其各衙門。但有入遞公文。須至堅厚好紙。封裹轉遞。各鋪明白附曆。於上開寫。並無破損。并不曾拆動原封。但有磨擦破壞。及拆動原封者。即將未文封皮上。寫記原遞鋪兵姓名。違發。及將遞來鋪兵拘捉解官。有司即為追究。一鋪舍損壞什物不完。鋪兵數少。及有老弱之人在鋪當使者。有司提調官吏。即便修理。無點補替。鋪名詳見各府志書下。

# 永樂大典卷之一萬四千五百七十五